

欽定四庫全書

子部

御纂醫宗金鑑卷二十三



南京中医药大学图书馆版权所有

詳校官太醫院吏目臣周世泰

編修臣倉聖脈覆勘

欽定四庫全書

御纂醫宗金鑑卷二十三

訂正仲景全書金匱要略註下之二目錄

婦人妊娠篇第二十

桂枝茯苓丸

附子湯

膠艾湯

當歸芍藥散

乾薑人參半夏丸

當歸貝母苦參丸

葵子茯苓散

當歸散

白朮散

婦人產後篇第二十一

枳實芍藥散

下瘀血湯

陽旦湯

竹葉湯

竹皮大丸

白頭翁加甘草阿膠湯

婦人雜病篇第二十二

半夏厚朴湯

甘草小麥大棗湯

溫經湯

土瓜根湯

旋覆花湯

膠薑湯

大黃甘遂湯

抵當湯

礬石湯

紅藍花酒

腎氣丸

蛇床子散

狼牙湯

小兒疳蟲蝕齒方

雜療篇第二十三

四時加減柴胡飲子

長服訶梨勒丸

三物備急丸

紫石寒食散

治尸厥方 共二方

救卒死方 共五方

救卒死壯熱方

救卒死兩目閉者方

救卒死而張口反折者方

救卒死四肢不收失便者方

救小兒卒死吐利不知是何病方

救卒死客忤二方

救自縊方

療中暈方

救溺死方

馬墜及一切筋骨損方

御纂醫宗金鑑卷二十三目錄

欽定四庫全書

御纂醫宗金鑑卷三十一

訂正仲景全書人直略下之二

婦人妊娠病脈證并治第二十

師曰婦人得平脈陰脈、陽脈其人渴不能食無寒熱名
妊娠桂枝湯主之。若六十日當有此證設有醫治逆
者却一月加吐下者則絕之

註婦人經斷得平脈無寒熱則內外無病其人渴不

能食乃妊娠惡阻之漸也故陰脈雖小弱亦可斷
為有孕但惡阻於法六十日當有此證設醫不知
是孕而治逆其法却一月即有此證也若更加吐
下者則宜絕止醫藥聽其自愈可也然脈平無寒
熱用桂枝湯與妊娠渴不能食者不合且文義斷
續不純其中必有脫簡

集註

徐彬曰平脈者不見病脈一如平人也陰脈小弱
者脈形小不大軟弱無力非細也諸脈既平而獨

下焦陰脈微見不同是中上二焦無病乃反見渴不能食之證則渴非上焦之熱不能食亦非胃家之病矣少陽有嘿嘿不欲食之證今無寒熱亦無少陽表證可疑矣是渴乃陰火上熾不能食乃惡心阻食陰脈小乃胎元蝕氣故曰名妊娠也

李杲曰此節病證即妊娠惡阻是也寸為陽脈主氣尺為陰脈主血陰脈小弱者血不足也血以養胎則液竭而渴又脾為坤土厚德載物胎氣賴以

奠安不能食者脾氣弱也凡有他病而渴不能食者脈必不平而有寒熱今雖不能食反得平脈又無寒熱故主妊娠

桂枝湯方

見下利中

婦人宿有癥病經斷未及三月而得漏下不止胎動在臍上者為癥瘕害妊娠六月動者前三月經水利時胎也下血者後斷三月衄也所以血不止者其癥不去故也當下其癥桂枝茯苓丸主之

註

經斷有孕名曰妊娠妊娠下血則為漏下婦人宿有癥瘕之疾而育胎者未及三月而得漏下下血不止胎動不安者此為癥瘕害之也已及六月而得漏下下血胎動不安者此亦癥瘕害之也然有血𩚑成塊者以前三月經雖斷血未盛胎尚弱未可下其癥瘕也後三月血成𩚑胎已強故主之桂枝茯苓丸當下其癥瘕也此示人妊娠有病當攻病之義也此條文義不純其中必有闕文姑存其

理可也

集婁全善曰凡胎動多當臍今動在臍上者故知是

癥也

程林曰此有癥病而懷胎者雖有漏血不止皆癥
瘕之為害非胎動胎漏之證下其癥瘕妊娠自安
此內經所謂有故無殞亦無殞也

方氏曰胎動胎漏皆下血而胎動有腹痛胎漏無
腹痛故胎動宜行氣胎漏宜清熱

魏荔彤曰胎與衃之辨當於血未斷之前三月求之前三月之經水順利則經斷必是胎前三月有曾經下血者則經斷必成衃

桂枝茯苓丸

桂枝

茯苓

牡丹 去心

桃仁 去皮尖

芍藥 各等分

右五味末之煉蜜和丸如兔屎大每日食前服一